



Zavod zdravstvenog osiguranja i reosiguranja
Federacije Bosne i Hercegovine

***IZVOD IZ UPUTSTVA
ZA IZRADU OBRAČUNA SREDSTAVA U ZDRAVSTVU
FEDERACIJE BOSNE I HERCEGOVINE
ZA 2015. GODINU***

Sarajevo, januara 2016. godine

S A D R Ž A J :

I OPŠTE ODREDBE	3
1. OBRASCI ZA UNOS PODATAKA, NAČELNE I ZAJEDNIČKE UPUTE	3
1.1. <i>Obrasci za unos podataka</i>	3
1.2. <i>Načelne i zajedničke upute.....</i>	4
2. UPUTE ZA UNOS PODATAKA U OBRASCE “OZU”	5
2.1. <i>Pregled podataka o bolovanju za osiguranike zaposlene kod poslodavaca,</i>	5
<i>Obrazac „OZU“ – 1.1c</i>	5
2.2. <i>Pregled prihoda zdravstvenih ustanova; Obrazac “OZU”-2c.</i>	5
2.3. <i>Pregled rashoda zdravstvenih ustanova; Obrazac “OZU”-3c.</i>	7
2.4. <i>Pregled rashoda za bruto plaće i naknade za bolovanje u zdravstvenim ustanovama; Obrazac “OZU”-3.1c.</i>	8
2.5. <i>Pregled broja pacijenata i troškova zdravstvene zaštite po kategorijama osiguranja, Obrazac „OZU“ – 3.2c</i>	8
2.6. <i>Pregled osnovnih finansijskih pokazatelja u poslovanju zdravstvenih ustanova; Obrazac “OZU”-4c.</i>	8
2.7. <i>Pregled kapitalnih ulaganja zdravstvenih ustanova u 2015. godini;</i>	8
<i>Obrazac “OZU”-5c.</i>	8
2.8. <i>Pregled stalnih sredstava u zdravstvenim ustanovama sa stanjem 31.12.2015. godine; Obrazac “OZU”-6c.</i>	9
2.9. <i>Pregled broja i strukture zaposlenih u zdravstvenim ustanovama; Obrazac “OZU”-7c.</i>	9
2.10. <i>Kapaciteti u zdravstvenim ustanovama</i>	9
2.10.1. <i>Kapaciteti i korištenje kapaciteta u primarnoj zdravstvenoj zaštiti;</i>	9
<i>Obrazac “OZU”-8c.</i>	9
2.10.2. <i>Broj pruženih usluga u specijalističko–konsultativnoj bolničkoj zdravstvenoj zaštiti; Obrazac “OZU”-9c.</i>	10
2.10.3. <i>Pregled korištenja bolničko-stacionarnih kapaciteta zdravstvenih ustanova; Obrazac “OZU”-10c.</i>	10
2.10.4. <i>Pregled broja pruženih usluga u specijalističko–konsultativnoj kliničkoj zdravstvenoj zaštiti; Obrazac “OZU”-11c.</i>	10
2.10.5. <i>Pregled i korištenje kliničkih-posteljnih kapaciteta zdravstvenih ustanova; ...</i>	10
<i>Obrazac “OZU”-12c.</i>	10
3. UPUTE U VEZI SA OBAVEZOM SVIH UČESNIKA U POSTUPKU IZRADE OBRAČUNA SREDSTAVA U ZDRAVSTVU DA SE PRIDRŽAVAJU ROKOVA PROPISANIH PRAVILNIKOM	12
P R I L O Z I.....	12

Na osnovu člana 100.a Zakona o zdravstvenom osiguranju (“Službene novine Federacije Bosne i Hercegovine”, broj 30/97, 07/02, 70/08 i 48/11), člana 9. stav 1. Pravilnika o obračunu sredstava u zdravstvu (“Službene novine Federacije Bosne i Hercegovine”, broj 26/03 i 43/04), direktor Zavoda zdravstvenog osiguranja i reosiguranja Federacije Bosne i Hercegovine, uz prethodnu saglasnost Upravnog odbora Zavoda zdravstvenog osiguranja i reosiguranja Federacije Bosne i Hercegovine, d o n o s i:

IZVOD IZ UPUTSTVA ZA IZRADU OBRAČUNA SREDSTAVA U ZDRAVSTVU ZA 2015. GODINU

I OPŠTE ODREDBE

Ovim uputstvom se, u skladu sa odredbama Zakona o zdravstvenom osiguranju (u daljem tekstu: **Zakon**), Pravilnika o obračunu sredstava u zdravstvu (u daljem tekstu: **Pravilnik**), saglasno Listi podataka neophodnih za izradu obračuna sredstava u zdravstvu (u daljem tekstu: **Lista podataka**) i obrascima utvrđenim za unos podataka za obračun sredstava u zdravstvu (u daljem tekstu: **Obrasci**), obezbjeđuje koordinacija aktivnosti svih Zakonom utvrđenih učesnika u postupku izrade obračuna sredstava u zdravstvu, jedinstven, jednoobrazan pristup kod unosa podataka u obrasce, kod obrade i analize podataka, iskazivanja pokazatelja, izrade izvještaja te preduzimanje, odnosno okončanje svih radnji propisanih za pojedine učesnike u poslovima utvrđenim Pravilnikom.

Lista podataka i obrasci iz prethodnog stava su u prilogu ovog Uputstva i njegov su sastavni dio.

U procesu obrade prikupljenih podataka, analize, izrade pokazatelja i izvještaja, obavezna je zaštita povjerljivih podataka saglasno važećim propisima.

Podaci prikupljeni za izradu obračuna sredstava u zdravstvu mogu se koristiti samo u svrhe utvrđene Zakonom, odnosno za postizanje ciljeva iz člana 4. Pravilnika.

Ovo Uputstvo sadrži:

1. Obrasce za unos podataka, načelne i zajedničke upute i
2. Upute za unos podataka u obrasce “OZU”.

1. OBRASCI ZA UNOS PODATAKA, NAČELNE I ZAJEDNIČKE UPUTE

1.1. Obrasci za unos podataka

Obrasci za unos podataka su sačinjeni saglasno utvrđenoj Listi podataka.

Obrasci za unos podataka su po sadržaju, koncepciji i formi sačinjeni tako da obuhvate sve podatke relevantne za obračun sredstava u zdravstvu, a da budu pouzdani i razumljivi.

Obrasci za unos podataka u svrhu izrade obračuna sredstava u zdravstvu na nivou kantona podijeljeni su u dvije grupe i označeni slovnim i brojnim oznakama kako slijedi:

a) Obračun sredstava u zdravstvenim ustanovama (označeni skraćenicom "OZU") od rednog broja 1 do zaključno sa rednim brojem 12. Obrasci od "OZU"-8 do "OZU"-12 imaju i nastavak na drugoj stranici. Obrasci "OZU"-1 do "OZU"-12 imaju i obrasce sa oznakom "a", "b" i "c", a obrazac "OZU"-3 ima i obrazac "OZU"-3.1 sa slovnim oznakama "a", "b" i "c". Obrasci "OZU" sa oznakom "a" su zbirni podaci u javnom sektoru (**popunjavaju kantonalni zavodi zdravstvenog osiguranja**), obrasci sa oznakom "b" su zbirni podaci u privatnom sektoru (**popunjavaju ih kantonalni zavodi zdravstvenog osiguranja**), obrasci sa oznakom "c" su obrasci za unos podataka koje popunjavaju zdravstvene ustanove. Obrasci "OZU", koji imaju oznaku broja, bez slovnih oznaka, su zbirni podaci i javnog i privatnog sektora, i iste **popunjavaju kantonalni zavodi**. Obrasce "OZU"-11c i "OZU"-12c **popunjavaju klinički centri**.

Svi gore navedeni obrasci imaju jedinstvenu formu i sadrže slijedeće oznake:

- u zaglavlju na desnoj strani slovnu i brojnu oznaku obrasca,
- u zaglavlju na lijevoj strani naziv institucije koja vrši unos podataka i naziv kantona na čijem je sjedištu institucija,
- u naslovu naziv obrasca kojim se označava grupa podataka za unos u obrasce,
- tabelarni pregled podataka za tekuću i prethodnu godinu i indeks (izuzev obrazaca "OZU"-5 i 6),
- u donjem lijevom uglu prezime i ime osobe koja je popunila podatke, te datum popune podataka,
- na kraju obrasca označava se izvor podataka.

Kantonalni zavodi su obavezni distribuirati svim zdravstvenim ustanovama (javnim i privatnim) sa svog područja obrasce sa slovnom oznakom "c" od "OZU"-1 do "OZU"-12, (ukupno 12 obrazaca). Zdravstvene ustanove trebaju popuniti navedene obrasce traženim podacima.

Nakon što zdravstvene ustanove dostave kantonalnim zavodima popunjene navedene obrasce, kantonalni zavodi treba da:

- izvrše matematičku i logičku provjeru tačnosti podataka,
- sumiraju podatke u zbirnim obrascima posebno za javni (slovna oznaka obrasca "a") i privatni sektor (slovna oznaka obrasca "b"), a u okviru ovih sektora i po nivoima zdravstvene zaštite (primarna, sekundarna, tercijarna, apoteke i zavod za javno zdravstvo) i
- ukupno za kanton (bez slovne oznake).

1.2. Načelne i zajedničke upute

Unos podataka na obrascima vrši se tako što se oni upisuju u, za tu svrhu, predviđene kućice.

Na svakom obrascu, gdje je to bilo moguće, поближе su (iznad kućica u koje se unose podaci) upisane određene jedinice mjere kojima se iskazuju i kvantificiraju traženi parametri i indikatori.

Uputama koje slijede daju se detaljne instrukcije za unos podataka, pojedinačno za svaki obrazac i stavke sadržane u obrascu ("OKZ" i "OZU").

Detaljne instrukcije nisu davane za one obrasce ili pojedine stavke u njima gdje je iz samog obrasca ili naznake na obrascu nedvosmisleno jasno, šta i kako treba upisati traženi podatak.

2. UPUTE ZA UNOS PODATAKA U OBRASCE "OZU"

Obrasce "OZU" sa oznakom "c", saglasno tč. 1.1. pod b Uputstva, popunjavaju zdravstvene ustanove koje će u obrascima od "OZU"-1c do "OZU"-12c obavezno popuniti podatke o nazivu kantona na čijem području su locirane, nazivu zdravstvene ustanove koja daje podatke, a zaokružiće nivo zdravstvene zaštite koju pruža (primarni, sekundarni, tercijarni, apoteke ili javno zdravstvena djelatnost) kao i vrstu vlasništva nad zdravstvenom ustanovom (javna ili privatna).

2.1. Pregled podataka o bolovanju za osiguranike zaposlene kod poslodavaca, Obrazac „OZU“ – 1.1c

Unose se podaci o broju dana bolovanja posebno za dane bolovanja do 42 dana, i posebno za dane bolovanja preko 42 dana, i to razvrstane prema osnovu bolovanja.

Posebno iskazivanje dana bolovanja do 42 dana i preko 42 dana je potrebno zbog toga što naknada bolovanja do 42 dana pada na teret poslodavca, a naknada bolovanja preko 42 dana pada na teret obaveznog zdravstvenog osiguranja. Ove podatke popunjavaju zdravstvene ustanove primarne zdravstvene zaštite (ljekari opće prakse u domovima zdravlja, ljekari porodične medicine, ljekari medicine rada), u ovisnosti od načina organizacije primarne zdravstvene zaštite.

Podatke o bolovanju iskazati za sva bolovanja zaposlenih kod poslodavaca, a ne samo zaposlenika zdravstvene ustanove.

2.2. Pregled prihoda zdravstvenih ustanova; Obrazac "OZU"-2c.

U obrazac se unose svi prihodi koje je zdravstvena ustanova ostvarila u toku 2014. i 2015. godine. Prihode razvrstati po izvorima kako je navedeno u obrascu.

U stavci 1.1. iskazati prihode koje zdravstvena ustanova ostvaruje od domicilnog kantonalnog zavoda zdravstvenog osiguranja po osnovu ugovora o pružanju usluga zdravstvene zaštite osiguranicima domicilnog kantona, kao i sredstva za realizaciju projekata, edukativnih programa i sl. u svrhu unapređenja zdravstvene zaštite.

U stavci 1.2. iskazati prihode ostvarene od Federalnog zavoda osiguranja i reosiguranja po osnovu pružanja zdravstvenih usluga koje se finansiraju sredstvima federalnog fonda solidarnosti.

U stavci 1.3. iskazati prihode ostvarene po osnovu pružanja zdravstvenih usluga osiguranicima drugih kantona.

U stavci 1.4. Učešće osiguranih lica u troškovima zdravstvene zaštite (participacija, premija osiguranja) zdravstvene ustanove će iskazati samo ako iste direktno evidentiraju kao vlastiti

prihod. Ukoliko se sredstva od participacije vraćaju, odnosno uplaćuju kantonalnim zavodima zdravstvenog osiguranja, zdravstvena ustanova neće participaciju iskazati kao svoj приход.

U stavci 1.5. iskazati prihode ostvarene od pružanja zdravstvenih usluga osiguranim licima sa područja Republike Srpske i Brčko Distrikta.

U stavci 1.6. iskazati prihode ostvarene iz Budžeta (bilo kojeg nivoa vlasti), a koje se odnose na finansiranje zdravstvene zaštite ili drugih prava iz obaveznog zdravstvenog osiguranja.

U stavci 2. iskazati sve prihode ostvarene od pravnih i fizičkih lica po osnovu pružanja zdravstvenih ili drugih usluga izvan obaveznog zdravstvenog osiguranja, sredstava budžeta, primljenih donacija i dr.

U stavci 2.1. - Direktna plaćanja pravnih i fizičkih lica uključuju prihode ostvarene po osnovu:

- pruženih zdravstvenih usluga po osnovu nesreća na poslu i profesionalnih oboljenja ukoliko se ne finansiraju iz sredstava obaveznog zdravstvenog osiguranja;
- pruženih zdravstvenih usluga po posebno zaključenim ugovorima sa firmama i institucijama domaćim i stranim (npr. zdravstvene usluge koje se pružaju međunarodnim organizacijama, sistematski pregledi ako se ne finansiraju iz obaveznog zdravstvenog osiguranja);
- pruženih zdravstvenih usluga koje plaća fizičko lice ili firma po cijeni usluge;
- pružanja drugih usluga u okviru registrovane djelatnosti zdravstvene ustanove (edukacija kadrova, usluge iz oblasti naučno-istraživačke djelatnosti, organizacija stručnih skupova i dr.);
- po osnovu iznajmljivanja slobodnih kapaciteta zdravstvene ustanove (npr. zakupnine i sl);
- o osnovu prodaje lijekova i medicinskih materijala u apotekama koje nisu u programu finansiranja od strane zavoda zdravstvenog osiguranja (komercijalni lijekovi).

U prihode od donacija (r.br. 2.3.) treba uključiti sve donacije, kako finansijske tako i donacije u obliku stvari (robe, materijali i stalna sredstva), a koje se u skladu sa računovodstvenim propisima mogu tretirati kao приход. Za donacije u stalnim sredstvima u приход se može uključiti samo dio vrijednosti doniranih stalnih sredstava koji tereti amortizaciju za godinu za koju se sastavlja obračun.

Pod приходima iz budžeta se podrazumijevaju svi prihodi koje zdravstvena ustanova ostvari iz budžeta općine, grada, kantona i Federacije Bosne i Hercegovine, uključujući i sredstva po osnovu finansiranja posebno odobrenih projekata ili pojedinačnih nabavki na osnovu odluka nadležnih budžetskih institucija.

Ukoliko su iz budžeta doznačena sredstva za kapitalna ulaganja u prihode uključiti iznos sredstava srazmjernom obračunatom trošku amortizacije, odnosno onaj iznos sredstava koji se, saglasno računovodstvenim propisima, može teretirati kao приход.

2.3. Pregled rashoda zdravstvenih ustanova; Obrazac "OZU"-3c.

U obrazac se unose podaci o rashodima po strukturi rashoda zdravstvenih ustanova, koji su razvrstani po srodnim grupama.

U stavci 1.1. Lijekovi ukupno, iskazuju se posebno troškovi za:

- 1.1.1. Lijekove izdate na recept,
- 1.1.2. Komercijalne lijekove (lijekove koji se prodaju bez recepta),
- 1.1.3. Lijekove utrošene u zdravstvenim ustanovama (bolnice i domovi zdravlja).

U okviru stavke 1.1.1. Lijekovi izdati na recept posebno iskazati vrijednost lijekova na recept koje priznaje i finansira kantonalni zavod zdravstvenog osiguranja (ovaj iznos se mora slagati sa iznosom rashoda za lijekove na recept koje iskazuje kantonalni zavod zdravstvenog osiguranja) i posebno vrijednost lijekova iskazanih na recept koje plaća osigurano lice. Podatke iz stavke 1.1.1. i 1.1.2. iskazuju samo apoteke (javne i privatne).

Za troškove lijekova na recept koje finansira kantonalni zavod zdravstvenog osiguranja posebno je popuniti i pomoćni obrazac OZU-3c-POL.

U stavci 1.3. Potrošni materijal za laboratorijsku i dijagnostičku djelatnost, iskazati troškove hemikalija, rtg filmova, kontrastnih sredstava i drugog potrošnog materijala potrebnog za laboratorijske, radiološke i druge dijagnostičke pretrage i analize.

U stavci 1.4. Sanitetski i ostali medicinski materijali unose se slijedeći troškovi: sanitetski i zavojni materijal; potrošni medicinski materijali (šprice, igle, kateteri, braunile, kanile, setovi za infuziju i transfuziju, elektrode, hirurški konci, drenovi, stapleri, rukavice za jednokratnu upotrebu, rublje za osoblje i pacijente za jednokratnu upotrebu, materijal za anesteziju i dr.) i medicinski gasovi (kisik i azot oksidul).

U stavci 1.6. u materijal za održavanje uključuju se materijali za tekuće i investiciono održavanje objekata, opreme i postrojenja kada se održavanje obavlja u vlastitoj režiji.

Troškovi sitnog inventara podrazumijevaju evidentirane utroške u skladu sa usvojenom računovodstvenom politikom otpisa sitnog inventara. Troškovi su razdvojeni na medicinski, i ostali sitan inventar.

U medicinski inventar, naveden pod stavkom 1.15., spada: hirurški i drugi instrumentarij koji ima karakter sitnog inventara, radna odjeća i obuća za medicinsko osoblje i bolesnike, posteljno bolesničko rublje i drugi medicinski sitan inventar.

U troškove ostalog sitnog inventara (stavka 1.16.) uključiti ostale troškove inventara, alata i autoguma i ostalih stvari koje imaju karakter sitnog inventara.

Troškovi investicionog i tekućeg održavanja označeni pod stavkom 1.17. odnose se na usluge održavanja (rad, materijali i rezervni dijelovi) koje za zdravstvenu ustanovu obavljaju treća lica za koje ispostavljaju fakture.

U ostale troškove (stavka 1.19.) spadaju svi troškovi koji nisu pojedinačno iskazani i potrebno ih je posebno specificirati u prilogu ovog obrasca.

Zdravstvene ustanove (Zavod za javno zdravstvo Federacije BiH i Zavod za transfuzijsku medicinu FBiH) koje vode knjigovodstvo po kontnom planu budžetskih

korisnika, obračunatu amortizaciju ne iskazuju kao trošak, obzirom da se ista knjiži na teret izvora sredstava.

Napominjemo da ostale rashode (stavka 4.2.) treba posebno specificirati i priložiti uz ovaj obrazac.

Troškove po osnovu PDV-a iskazati u ukupnom iznosu i posebno za:

- lijekove i medicinski materijal,
- ortopedska pomagala i
- ostalo.

**2.4. Pregled rashoda za bruto plaće i naknade za bolovanje u zdravstvenim ustanovama;
Obrazac "OZU"-3.1c.**

Stavku 3.1 iz obrasca OZU 3c iskazati analitički po stavkama navedenim u obrascu OZU 3.1c.

**2.5. Pregled broja pacijenata i troškova zdravstvene zaštite po kategorijama osiguranja,
Obrazac „OZU“ – 3.2c**

Iskazati podatke o broju liječenih pacijenata za osigurana lica po kategorijama osiguranja i neosigurana lica kao i podatke o procjenjenoj visini troškova zdravstvene zaštite za navedene kategorije pacijenata. Od ukupnih troškova zdravstvene zaštite posebno iskazati podatak o troškovima liječenja po osnovu profesionalne bolesti i nesreće na poslu.

Obrazac popunjavaju samo zdravstvene ustanove koje pružaju zdravstvene usluge bez obzira na oblik vlasništva.

**2.6. Pregled osnovnih finansijskih pokazatelja u poslovanju zdravstvenih ustanova;
Obrazac "OZU"-4c.**

Unose se podaci o ukupnom prihodu, ukupnom rashodu, dobiti ili gubitku, kao i podaci o kapitalu, ukupnim nenaplaćenim potraživanjima, nenaplaćenim potraživanjima do 6 mjeseci i obavezama prema dobavljačima preko 90 dana.

Napominjemo da zdravstvene ustanove trebaju dati informaciju o raspoređivanju dobiti ili pokriću gubitka. Ovu informaciju treba priložiti uz navedeni obrazac.

**2.7. Pregled kapitalnih ulaganja zdravstvenih ustanova u 2015. godini;
Obrazac "OZU"-5c.**

U stavku "kapitalna ulaganja" uključiti sva ulaganja u izgradnju objekata; rekonstrukcije i adaptacije objekata; ulaganja u nabavku opreme bez obzira na izvor sredstava (vlastita sredstva zdravstvene ustanove, donacije, kreditna sredstva ili drugi izvori). Ako se radi o značajnijim ulaganjima po vrijednosti kao i ulaganjima na duži rok (npr. izgradnja) potrebno je uz obrazac dostaviti posebno obrazloženje sa podacima o vrsti i namjeni investicije, ukupnoj vrijednosti investicije, roku i dinamici izgradnje, izvorima finansiranja i druge relevantne podatke.

Napominjemo da se u retku ukupno (11) sabiraju svi izvori sredstava izuzev ukupnog iznosa kredita (redak 6) i perioda otplate (redak 7).

2.8. Pregled stalnih sredstava u zdravstvenim ustanovama sa stanjem 31.12.2015. godine; Obrazac "OZU"-6c.

Posebno se iskazuju nematerijalna i materijalna sredstva. Materijalna sredstva se iskazuju kao građevinski objekti, oprema i ostala materijalna sredstva. Oprema se iskazuje kao medicinska i ostala oprema.

Za svaku vrstu navedenih stalnih sredstava potrebno je navesti nabavnu vrijednost, otpisanu i sadašnju vrijednost, kao i stepen otpisanosti.

Posebno se iskazuje sadašnja vrijednost rashodovanih stalnih sredstava koja nisu amortizovana.

2.9. Pregled broja i strukture zaposlenih u zdravstvenim ustanovama; Obrazac "OZU"-7c.

U ovaj obrazac se unose podaci o broju zaposlenika prema stručnoj spremi kako za medicinske (zdravstveni radnici i saradnici) tako i za nemedicinske kadrove (administrativni, tehnički i ostali radnici).

Ukoliko u praksi ima slučajeva da zaposlenik ne radi u okviru svoje stručne spreme, odnosno specijalizacije, u obrazac se unose podaci o stručnoj spremi za koju se zaposlenik školovao i za koju posjeduje verificiranu diplomu.

U slučajevima kada zaposlenik (posebno se odnosi na ljeakarski kadar) radi istovremeno u dvije ili više zdravstvenih ustanova, treba ga evidentirati u onoj zdravstvenoj ustanovi u kojoj ima zasnovan stalni radni odnos, odnosno u kojoj ostvaruje veći dio radnog vremena, kako bi se izbjeglo duplo evidentiranje.

2.10. Kapaciteti u zdravstvenim ustanovama

2.10.1. Kapaciteti i korištenje kapaciteta u primarnoj zdravstvenoj zaštiti; Obrazac "OZU"-8c.

Unose se podaci o kapacitetima u primarnoj i vanbolničkoj specijalističko-konsultativnoj zdravstvenoj zaštiti.

Kapaciteti primarne zdravstvene zaštite iskazani su prema djelatnostima – specijalnostima u okviru primarne zdravstvene zaštite, odnosno prema zagarantovanim pravima osiguranika za svaku djelatnost.

Kapaciteti se iskazuju kroz broj ambulanti, broj radnih timova i broj usluga. Sastav svakog radnog tima utvrđen je standardima i normativima zdravstvene zaštite.

Ako u nekoj ustanovi ili dijelu ustanove npr. službi ne radi radni tim u punom sastavu ili ne radi sa punim radnim vremenom, broj radnih timova treba iskazati decimalnim brojem srazmjerno količini radnog vremena (npr.0,5 za radni tim sa polovinom radnog vremena).

Prema standardima i normativima u okviru dijagnostičke djelatnosti iskazana je posebno ultrazvučna dijagnostika. Ako zdravstvena ustanova nema zasebno organiziranu ultrazvučnu dijagnostiku, nego je ista u sastavu pojedinih specijalističko-konsultativnih službi, podatke

(broj timova i broj usluga) iskazati objedinjeno za sve službe koje imaju ultrazvučnu dijagnostiku.

2.10.2. Broj pruženih usluga u specijalističko-konsultativnoj bolničkoj zdravstvenoj zaštiti; Obrazac "OZU"-9c.

Unose se podaci o broju pruženih zdravstvenih usluga u specijalističko-konsultativnoj bolničkoj zdravstvenoj zaštiti.

Ovi podaci se odnose na usluge pružene u specijalističko-konsultativnoj službi organiziranoj u općoj i kantonalnoj bolnici, odnosno za nivo opće i sekundarne zdravstvene zaštite.

2.10.3. Pregled korištenja bolničko-stacionarnih kapaciteta zdravstvenih ustanova; Obrazac "OZU"-10c.

Unose se podaci o stacionarnim i bolničkim kapacitetima u stacionarima domova zdravlja, te općim, specijalnim i kantonalnim bolnicama.

Podaci iz ovog obrasca odnose se na posteljne kapacitete općih i kantonalnih bolnica te specijalnih bolnica (sa posebnim namjenama). Podatke o BO danima iskazati posebno za standardnu, poluintenzivnu i intenzivnu njegu za ispisane bolesnike. Broj operativnih zahvata razdvojiti na operativne zahvate izvršene u operacionoj sali i ambulantno u 2015. godini.

2.10.4. Pregled broja pruženih usluga u specijalističko-konsultativnoj kliničkoj zdravstvenoj zaštiti; Obrazac "OZU"-11c.

U ovaj obrazac unose se podaci o broju pruženih zdravstvenih usluga u specijalističko-konsultativnoj zdravstvenoj zaštiti organiziranoj u klinikama i kliničkim centrima.

S obzirom da većina klinika i kliničkih centara u svom sastavu ima organiziranu zdravstvenu zaštitu za sva tri nivoa (opći, sekundarni i tercijarni), te da specijalističko-konsultativnu djelatnost obavljaju u istim prostorima i sa istim kadrovima, kapacitete treba iskazati odvojeno po jedinstvenom kriteriju, a to je broj usluga koji pripada svakom nivou pojedinačno. Usluge po nivoima zdravstvene zaštite razgraničene su standardima i normativima i šifarnikom zdravstvenih usluga.

Dakle, klinike i klinički centri će dio kapaciteta specijalističko-konsultativne službe iskazati u obrascu "OZU"-9c, a dio u obrascu "OZU"-11 srazmjerno broju usluga koje se odnose na određeni nivo zdravstvene zaštite.

2.10.5. Pregled i korištenje kliničkih-posteljnih kapaciteta zdravstvenih ustanova; Obrazac "OZU"-12c.

U ovaj obrazac unose se podaci o posteljnim kapacitetima klinika nivoa tercijarne zdravstvene zaštite.

Ako klinika u svom sastavu ima posteljnih kapaciteta nivoa opće i sekundarne zdravstvene zaštite, koji su organizirani na jednom mjestu (u istom prostoru), potrebno je izvršiti raspodjelu ovih kapaciteta prema vrsti oboljenja ležećih bolesnika. Podatke o BO danima iskazati posebno za standardnu, poluintenzivnu i intenzivnu njegu za ispisane bolesnike. Broj

operativnih zahvata razdvojiti na operative zahvate izvršene u operacionoj sali i ambulantno u 2015. godini.

OZU c obrasce od OZU 2c do OZU 6c treba da potpiše i ovjeri lice ovlašteno za sačinjavanje i potpisivanje finansijskih izvještaja.

Ukoliko neka zdravstvena ustanova, odnosno apoteka ima organizacioni dio (ogranak, depo) na području drugog kantona, podaci će se iskazati zbirno za pravni subjekt u čijem sastavu posluje ta organizaciona jedinica.

3. UPUTE U VEZI SA OBAVEZOM SVIH UČESNIKA U POSTUPKU IZRADA OBRAČUNA SREDSTAVA U ZDRAVSTVU DA SE PRIDRŽAVAJU ROKOVA PROPISANIH PRAVILNIKOM

Obračun sredstava u zdravstvu Federacije Bosne i Hercegovine za 2015. godinu Federalni zavod osiguranja i reosiguranja dužan je dostaviti Parlamentu Federacije Bosne i Hercegovine, putem Vlade Federacije Bosne i Hercegovine, na razmatranje, najkasnije do 10. juna 2016. godine.

Odredbama navedenim u Pravilniku utvrđeni su rokovi za svaku fazu u postupku izrade ovih obračuna kako bi se održao rok iz prethodnog stava.

Kantonalni zavodi zdravstvenog osiguranja dostavljaju svim zdravstvenim ustanovama u javnom i privatnom sektoru obrasce: "OZU"-1c do 12-c sa uputstvom koje se odnosi na popunu ovih obrazaca do 28. februara 2016. godine.

Zdravstvene ustanove dostavljaju kantonalnim zavodima zdravstvenog osiguranja popunjene obrasce iz prethodnog stava najkasnije do 15. marta 2016. godine.

Kantonalni zavodi zdravstvenog osiguranja trebaju, najkasnije do 20. aprila 2016. godine, dostaviti Federalnom zavodu osiguranja i reosiguranja u pisanoj i elektronskoj formi:

- izvještaj o obračunu sredstava u zdravstvu kantona za 2015. godinu,
- popunjene obrasce za unos podataka za izradu obračuna (OUSK, OKZ i OZU), i
- odluku upravnog odbora o usvajanju obračuna sredstava u zdravstvu za nivo kantona.

Obračun sredstava u zdravstvu Federacije Bosne i Hercegovine za 2015. godinu sa izvještajem i priložima Federalni zavod osiguranja i reosiguranja do 31. maja 2016. godine upućuje članovima Upravnog odbora Federalnog zavoda osiguranja i reosiguranja na razmatranje i usvajanje.

Usvojeni prijedlog Obračuna Federalni zavod osiguranja i reosiguranja upućuje u dalju proceduru Vladi i Parlamentu Federacije Bosne i Hercegovine na razmatranje i usvajanje. Tekst obračuna sa priložima dostavlja se u pisanoj i elektronskoj formi.

Nakon usvajanja na Parlamentu Federacije Bosne i Hercegovine, Obračun sredstava u zdravstvu se objavljuje na web stranici Federalnog zavoda osiguranja i reosiguranja kao i na web stranici Federalnog ministarstva zdravstva, a podaci na obrascima za objavljivanje se objavljuju u Službenim novinama Federacije Bosne i Hercegovine.

PRILOZI

– **Obrasci "OZU"-1 do 12.**

*Broj: 01/IV-06-241-4/16
Sarajevo, januara 2016. godine*

DIREKTOR

Agić Novka, dipl.ecc.